

佛祖統紀

三 五十一卷

風陵文庫

文庫19

F 229

20



名支光教志第二

佛祖統紀卷第五十一

山門禪定
蘭若藏本

天宗咸淳四明東湖沙門

志磐

撰

始終心要

荆溪大師

湛然

始終心要

永嘉沙門
從義注

在因各始至果為終因果雖殊諦德無別
圓頓上乘旨歸于此所以荆溪立為心要

夫三諦者天然之性德也

上句標指下句發歎天然
者妙天之然亦名自然問

此與外道所計何別答外道所執已為三藏所破那
忽謂同圓頓諦理復次應知若從破計須蕩自然破
計離爾理必自然是則自行乃遣執情隨緣無妨作
斯說也至寸下文舍生本具秘藏不顯由二惑覆亦
應準會料簡顯示舉
一例諸無勞委述 中諦者統一切法真諦者泯一切法俗諦者立一切法
別示解釋三諦相也中者不
偏二邊也諦者審而無虛也
統者總也一切法者二邊之法也真者無偽妄也泯
亡泯也一切法者三千之法也俗者世俗也立者建

立也。一切法者。百界之法也。當知此約三諦。別明。若
從通說。應云。一中一切中。無真無俗。而不中。則三諦
皆統理。而絕待也。一真一切真。無中無俗。而不真。則
三諦俱亡。泥而無相也。一俗一切俗。無中無真。而不
俗。則三諦並建。舉一即三。非前後也。含生本具。非造
作之所得也。上兩句。示三諦融即。顯非縱橫之殊異。
也。舉一即三。者。舉其中諦。非真非俗。當體泯法。復名
真諦。常自建立。又為俗諦。中諦之一。即三。既真俗
之二。即三。亦爾。準諸祖語。亦應更云。即三。而一。有可
相離。即一。而三。不可相混。非三非一。三。宛然會之。
彌分。泯之。常含橫之。復高。豈之。又廣。明鏡等。譬真。好
研。詳。勿見。三。一。相即之。故。便。乃。不。許。俗。諦。立。法。真。諦。
亡。泯。中。諦。統。絕。格。悲。夫。秘。藏。不。顯。蓋。三。感。之。所。覆。也。
言。泯。泯。豈。可。輕。哉。三。諦。微。妙。衆。生。不。了。補。之。為。秘。法。界。包。用。不。可。盡。目。
乏。為。藏。性。雖。微。妙。濁。成。本。有。譬。如。鏡。天。喻。若。塵。雲。今。
此。總。明。次。故。無。明。翳。乎。法。性。塵。沙。障。乎。化。導。見。忠。阻。
乎。空。寂。之。無。明。者。不。了。法。界。無。所。明。也。塵。沙。者。譬。無。知。
之。數。多。也。見。思。者。從。俗。等。立。名。也。應。知。三。感。

皆。是。性。具。同。體。為。障。難。可。了。然。茲。三。感。乃。體。上。之。虛。
妄。也。結。指。感。障。都。非。真。實。於。是。大。覺。慈。尊。喟。然。歎。曰。
大。覺。即。妙。覺。喟。然。歎。聲。也。真。如。界。內。絕。生。佛。之。假。名。平。等。慧。中。無。
自。他。之。形。相。通。指。三。諦。以。為。真。如。但。以。衆。生。妄。想。不。
自。證。得。莫。之。能。返。也。由。是。立。乎。三。觀。破。乎。三。感。證。乎。
三。智。成。乎。三。德。衆。生。在。迷。未。能。復。性。是。故。須。明。三。感。觀。
修。常。宛。爾。一。家。所。立。三。諦。文。在。瓔。珞。仁。王。兩。經。三。觀。
文。出。瓔。珞。經。下。卷。三。感。維。大。品。大。論。而。開。三。智。具。如。
大。品。三。智。品。中。三。德。備。在。大。涅槃。經。空。觀。者。破。見。思。感。證。一。切。智。成。般。
若。德。假。觀。者。破。塵。沙。感。證。道。種。智。成。解。脫。德。中。觀。者。
破。無。明。感。證。一。切。種。智。成。法。身。德。無。法。不。備。謂。之。假。
不。一。不。異。謂。之。中。知。一。切。法。空。寂。一。相。各。一。切。智。知。
十。法。界。諸。德。差。異。為。道。種。智。知。於。二。邊。無。非。中。道。各。

一切種智。照明。為般若。解縛名解脫。然故三惑。三觀。清淨名法身。昔具常樂我淨。謂之德。然故三惑。三觀。三智。三德。非各別也。非異時也。天然之理。具諸法故。
上文別。示心。謂縱橫。故。故。融。即。顯。非。別。異。是。故。當。知。三。惑。一。念。中。破。三。觀。一。心。中。修。三。智。一。念。而。證。三。德。一。心。而。成。或。觀。一。如。智。德。無。別。苟。非。性。具。寧。也。然。此。異。殊。山。門。教。觀。未。異。謂。家。起。過。衆。說。良。在。茲。焉。然。此。三。諦。性。之。自。爾。非。重。數。三。諦。成。迷。茲。三。諦。轉。成。三。惑。惑。破。籍。乎。三。觀。觀。成。證。乎。三。智。智。成。成。乎。三。德。自。深。之。性。性。展。轉。相。由。文。中。五。二。德。是。一。三。從。因。至。果。非。漸。修。也。性。德。之。行。無。前。無。後。因。果。理。向。從。因。至。果。非。漸。修。也。異。乎。歷。別。說。之。次。第。理。非。次。第。言。不。須。顯。故。有。前。後。若。論。其。理。實。在。利。那。其。理。者。何。二。十。二。諦。太。綱。如。此。細。目。可。尋。矣。多。說。為。網。目。華。嚴。各。法。界。方。等。為。寶。相。般。若。稱。佛。母。法。華。號。警。珠。涅槃。名。佛。師。二。諦。是。一。法。佛。說。種。種。名。華。猛。悟。之。而。造。論。者。得。之。以。開。括。別。溪。傳。之。為。心。要。是。則。十。方。大。覺。諸。祖。所。傳。莫。不。歸。乎。諦。德。故。藏。像。未。情。境。信。心。寡。薄。如。斯。法。門。

不能宗重。而更別求心要之術。良由近代習大乘者。雜濫故也。

四十二章經疏序

孤山法師 智圓

古者能仁氏之王天下也。象無象之象。言無言之言。以復群生之性。由是佛教生焉。教之高下。視根之利鈍。是故有頓焉。有漸焉。然後混而為一。是謂開顯而蚩蚩。群彙率其化。復其性。蹈乎大方。安乎秘藏。者可勝言哉。逮乎後漢。其道東傳。時君仰其神。元充陶其訓。乃與仲尼伯陽之說。二焉。原夫仲尼之為訓也。揚唐虞三王之德。尊仁而尚義。俾復其王。而企於帝也。伯陽之為訓也。揚三皇朴略之道。而絕聖棄智。俾復其皇。而企於結繩也。矧茲二者。談性命則未極於唯。

心乎言報應則未臻於三世乎然於治天下安國家不可一日而無之矣美乎哉其可教乎域中也明矣若夫釋尊之為訓也指虛空世界悉我自心焉非止言其太極生兩儀玄牝為天地根而已考善惡報應悉我自業焉非止言其上帝無常天網恢恢而已有以見伯陽仲尼雖欲謂之廣大悉備至於濟神明研至理者略指其趣耳大暢其妙者則存乎釋尊之訓歟其可教乎域外也又已明矣域內則詳乎治身而尚略乎治心故謂之外教域外則善乎治身而極乎治心故謂之內教昔阮孝緒正以內外之名為不誣矣世人有謂三者能混同焉或幾乎失或謂三者碩

異焉亦未為得也何哉復性有淺深言事有遠近則不得不異也至於遷善而遠罪勝殘而去殺則不得不此略文身淨覺同也還源記有釋

與駱御史書名惟

孤山法師

浮圖之法非古也其來於東漢乎其為體也清淨其為用也仁恕由是七六家十九流焉為利於上下赦弊於孔老其亦至矣請揚摧而陳之夫秦火六經漢興雜霸民澆俗漓爭奪方熾禮讓寢微則仲尼之仁義伯陽之道德或幾乎息矣賴我浮圖之為訓也既以三世報應制其事復明一心空寂窮其理民有聞報應之說者雖貧殘鄙吝之夫亦庶乎振之周急矣

民有聞空寂之說者雖矜功用壯之夫亦庶乎守雖
保弱矣能周振則博濟之道行善保守則朴素之風
還博濟行則禮讓著朴素還則刑罰措以斯而利於
民則仲尼伯陽之道不遠而復矣故曰為利於上下
救弊於孔老焉泊乎時君好之失其旨方袍事之違
其道失其旨則節制不行違其道則寂默不守乃以
彫峻輪奐而奢夸乃以輕肥溫飽而煒燁徒以多為
貴則壞其道者衆矣言以怪為義則惑其聽庶矣通
相沁襲當以成俗使夫清淨仁恕之風無乃蕩盡於
是蠶食蠹耗之謗自起而生斯乃好之者事之者之
不善耳非教之罪也而往世君民不察其所由視其

徒之不肖而遷怒於善人教法者有焉往往造毀佛
之律行揀釋之誅亦何其卒以丹朱而罪堯因商均
而咎舜服藥適度而歸過於神農縱火致焚而反怨
於燧人也邪

南岳止觀後序

慈雲大師 遵式

止觀用也本乎明靜明靜德也本乎一性性體本覺
謂之明覺體本寂謂之靜明靜不二謂之體體無所
分則明靜安寄體無不備則明靜斯在語體則非一
而常一語德乃不二而常一祇分而不分祇一而不
一耳體德無改強名為萬法之性體德無住強名為
萬法之本萬法者復何謂也謂舉體明靜之所為也

何其然乎。良由無始本覺之明，強照照生，而自感謂之昏。無始無住之本，隨緣緣起，而自亂謂之動。昏動既作，萬法生焉。捏自空華，豈是他物。故云不變隨緣，名之為心。隨緣不變，名之為性。心昏動也，性明靜也。若知無始即明，而為昏故可了。今即動而為靜，於是聖人見其昏動，可即也。明靜可復也。故因靜以訓止，止其動也。因明以教觀，觀其昏也。使其究一念即動而靜，即昏而明。昏動既息，萬法自亡。但存乎明靜之體矣。是為圓頓。是為無作。是如來行。是照性成修。修成而用廢。誰論止觀。體顯而性泯。亦無明靜豁然。誰待無所名焉。為示物指歸。止成謂之解脫。觀成謂之

般若體顯謂之法身。是二即一。是一即三。如伊三點如天三鳥。非縱橫也。非一異也。是謂不思議三德。是為大般若涅槃也。嗚呼此法自鶴林翰光授。大迦葉迦葉授之。阿難阿難而下。燈燈相屬。至第十一馬鳴。馬鳴授龍樹。樹以此法寄言于中觀論。論度東夏。獨淮河慧文禪師解之。授南岳大師。南岳從而照心。即復于性。獲六根清淨。位鄰乎聖斯。止觀之用驗矣。我大師惜之。無聞後代。從大悲心出此數萬言。自為大乘止觀。亦名一乘。亦名曲示心要。分為二卷。初卷開止觀之解。次卷示止觀之行。解行備矣。猶自足焉。伴我安安不遷。而運到清涼之池。噫斯文也。歲月遼遠。因翰

晦于海外道將復行也果於咸平三祀自本國圓通
 大師寂照錫背扶桑杯泛諸夏既登鄧嶺解齒出卷
 天竺沙門遵式首而得之度支外即朱公類冠首序
 出奉錢奉音鳳祿也作模板而廣行之大矣哉斯文
 也始自西傳猶月之生今復東返猶日之升素景圓
 暉終環回於我土也因序大略以紀顯晦耳

書紳論語子張

慈雲

知白汝知師字日之所為善善之法偏宜遠之謂惡
 損惡之道益其用之衆善口無自伐心無自欺勿抱
 內蠹包藏無良勿揚外儀詐鬼威儀欲人之譽畜己
 之私殺義之始陷禍之基求虛譽者藏於義自恃其


德必有餘譏自矜其達必有餘非務德未充而自持
 未至而自矜故人多非之春屬集樹汝宜去之利養毛繩汝宜畏
 之近於眷屬則多懼當外用三術全身遠害自行之
 際擇而思之懲惡之餘何則是宜敢從自行當須擇
 也知懲惡宜用何法願求大乘清香一炷紅蓮數枝口
 勿輕誦意勿他思唯存淨土境安禪禮像其則勿虧
 專修觀佛三昧專禮阿彌陀佛量衣節食其志勿移造世文筆如佛
 誠之說人長短如法謹之縱對賓侶口勿多辭頻驚
 光景坐勿銷時是陰芭蕉虛質非汝久期身實蓮華
 淨土是汝真歸由前禪誦德念功俾夜作晝勤而行
 之謂無以睡牀一念空過

圓頓觀心十法界圖

慈雲

此圖乃觀心十法界之圖也。其法界十種，一、佛界、二、菩薩界、三、緣覺界、四、聲聞界、五、天界、六、人界、七、畜生界、八、餓鬼界、九、地獄界、十、無常界。此十法界，皆由一心所攝。觀心之法，即觀此十法界之相，而悟其心之妙。此圖之妙，在於其能使人觀心而悟道。

觀心十法界圖



應觀法界性一切唯心造

若人欲了知三世一切佛



修觀之道曰從行曰附法曰託事唯三而已今觀心
 圖者從行之正軌也準夫止觀二十五法為方便十
 乘十境為正修者固非於此能備若其日用之際以
 十界德過升沈鑑我心曲雖絲髮不能自逃其遷善
 改過之要乎 慈雲法師示我以觀心之圖研味法
 喜心乎不忘挂諸座右足以自警而未見兼人之益
 乃復命工形諸篆刻用廣流行庶幾乎仰承於師志
 也 皇宋天聖元年九月既望太原王欽若序

光教志七

五十一ノ

其廣不可涯高不可蓋長不可尋將盈而虛將晦而
 明雖邊而中微妙深絕已得而思議者惟心也天台
 師聞之於靈山證之於三昧知其寂默非數所求而
 強以數數於非數依法華作十界百界三千權實以
 明諸性非合也非散也自然而然而諸法實相使人
 易領也然後示之一念空三千皆空一念假三千皆
 假一念中三千皆中成圓三觀觀圓三諦以明諸修
 大智也夫行也不運而速曰白牛大車使人頓入也
 故得自因至果不移一念坐道場成正覺降魔說法
 度眾生入涅槃而能事畢矣用龍樹偈因緣即空即
 假即中會而同之十法界者何也十統諸法也三諦

卷五十一

九

爲界也。何者謂佛以中爲法界者也。菩薩以俗爲法界者也。緣覺聲聞同以空爲法界者也。地獄鬼畜脩羅人天同以因緣生法爲法界者也。空假中者雖三而一也。十界者亦一而十也。故使五含一復具九。如帝珠交映成百法界也。一因緣一切因緣一空一切空。一假一切假一中一切中。良由於此三千者復何謂也。成界之法者也有其十。謂如是相如是性如是體如是力如是作如是因如是緣如是果如是報如是本末究竟等。斯惣也。十法在佛爲中爲實爲常爲三智爲五眼爲十力爲四無畏爲不共法在菩薩爲假爲權爲榮爲常爲萬行爲四攝在二乘爲空爲權

爲三脫爲四枯爲無陋爲涅槃在凡夫爲倒爲惑爲陋爲蓋爲纏爲集惱爲生死斯別也。統彼百界乃成千法。復播諸百界爲三世間成三千法。耳百界三千一也。與夫一念非前後也。非相合也。統之有宗會之有元。必歸乎不思議。三諦無量三法三德密藏矣。噫一念心法旣然引而同之。彼彼佛法彼彼衆生法。咸然也。經曰如心佛亦爾。如佛衆生然。心佛及衆生是三無差別。斯之謂歟。旣知是已。當觀日用九起一念必屬一界。卽照此界爲九。爲佛九則隨情偏起。謂之無明佛則稱理圓觀。謂之大慧。九界之念并併非佛界之心。方是是非鑑矣。非則照之令是是則護令成

行經曰諸佛解脫當於衆生心行中求行於非道能
達佛道斯之謂也然則目雖在面反臨鑑以正容心
實由中要籍緣以董慮神靈潛密照之或難識想紛
馳檢之非易故今引心于外繪彼升沈之像存志於
中觀我是非之變然後策心內照正道由明題爲圖
頰觀心十法界圖於一心字派出十界復引墨法界
方之聯珠表一法界展轉具九成百法界仍以日起
行相書之左右覽者欲深於性請詳諸序欲熟於修
當觀諸圖狀

佛界若人因讀圓滿修多羅及聞善知識所說起淨
信心信已一念三道之性即三德性苦道即法身煩

惱即般若結業即解脫法身究竟般若清淨解脫自
在一究竟一切究竟般若解脫亦究竟一清淨一切
清淨法身解脫亦清淨一自在一切自在法身般若
亦自在即一而三即二而一非縱非橫亦非一異法
身常住餘亦常住樂我淨亦如是是則常樂四德秘
密之藏徧一切處一切諸法悉是佛法既信是已以
境繫心以心繫境心境念念相續不斷必見法性設
未相應當依一實無作四諦起四大誓無可求中吾
故求之依前苦道即苦諦發一誓願未度者令度煩
惱及業即集諦發一誓願未解者令解苦道即法身
即是滅諦發一誓願未涅槃者令得涅槃煩惱即苦

提。即是道諦發。一誓願未安者令安。四弘不入。當巧安心。如是次第具修十法。必入五品。六根及分證位。名佛法界。

菩薩界。若觀根塵一念為迷解。本迷故則有十界。若集悟。故則有四聖道滅。緣此無量。四諦起無量。誓願未度者令度。未解者令解。未安者令安。未涅槃者令得涅槃。善巧度生。慈眼視物。所集福業。與衆生共。如是起一念者。名菩薩法界。

緣覺界。若根塵念起。則了之。從無明生生。故有行。行招名色。乃至老死。三世相續。如舞火輪。因緣本空。幻化不實。求自然慧樂。獨善寂觀空。心重。乾住寂定。雖

得道果。不慕化人。復有觀物榮落。悟世非常。聞空得道。名為獨覺。如是行者。名緣覺法界。

聲聞界。若根塵因緣。隨有一念依色心。故苦由煩惱。故集厭苦。斷集非對治。如何遂依四諦修十六觀三十七道品。如救頭然。由四善根得入無漏。四沙門果。證二涅槃。會徧真理。不得佛法。不慕化人。如麀獨跳。不顧後群。如此一念。名聲聞法界。

天界。若其念起。多忻天樂。篤其善心。希於來報。齋戒純淨。飯食沙門。造立塔寺。及佛形像。書寫大乘。濟惠貧病。於十善法。止作具修。自然成性。或關禁六根。使六情不蕩。六塵不入。得袂界禪。及色無色定。身心寂

靜三業調良如此一念名天法界

人界若其念念以五常立德五戒修身於國惟忠於家惟孝謙損居眾中正存誠推德於人引咎向己尊上恤下給孤濟貧慚愧是懷慈和為性深信因果崇重三寶精修齋戒建立塔寺但希世樂無升出心貪惜自身戀著眷屬如此一念名人法界

阿脩羅界若其念念雖好修善布施齋戒而多猜嫌狐疑進退所修福業多為勝他見人修善情多嫉忌貢高我慢矜已輕人欲彼歸從不耐謙損如鷄高飛下視外揚仁義內無實德衆前談論引長於我不循理正不媿賢能如此行心是阿脩羅法界

餓鬼界若其念念無慚無愧貪求無足慳吝鄙惜不施一毛剋削於人哀歸於我見人布施傍起遮障見人得利心生熱惱性多詭曲常起邪見人前正容屏處放恣破齋犯戒恣貪飲食不信罪福不信因果不信三寶不孝所親是名餓鬼法界

畜生界若其念念耽湎五欲貪多眷屬日增月甚而無厭足曲理枉物斷不以公非法取財動不由義祇圖利己不測孤貪明負他財曾苞抵突市場負直公行劫奪不忠不孝無賢無愚不信因果不信三寶疑駭無耻現同畜生是名畜生法界

地獄界若人親近邪惡友及性自作惡起增上心念

念相續造上品十惡謂殺盜媾妄言綺語兩舌惡罵
貪嗔邪見及五逆罪犯四重禁淫梵行人沽酒醉亂
不思君父師長恩德橫生熱惱挫抑賢能黨比不肖
破塔壞寺燒滅經像謗毀大乘斷學般若謗無諸佛
破戒受施用三寶物偷僧祇物起於外道斷常諸見
破正因果三世之法習十二種惡律儀法一屠兒二養
豬四養雞五捕魚六獵者七網鳥八捕蜂九兜籠
十欲卒十一盜賊十二為王家捕賊及養蠶等業如
上等輩死墮阿鼻大熱大寒諸大地獄是名地獄界

宗門尊祖議

沙門 志磐

如來聖人以開權顯實開迹顯本之道化天下後世
者謂之佛佛弟子以次傳道為世宗主者謂之祖其

實一道爾故如來之將息化也以無上大法付之飲
光任持二十年以付慶喜慶喜持法宣化亦二十年
以付商那下而至於十三世曰龍樹始以文字般若若
著所證三觀之道曰中觀論暨譯傳東夏於是北齊
以宿悟已證立為觀法以授南岳南岳承其旨悟法
華淨六根以授天台天台始立五時張八教用明法
華開顯之妙而大暢乎境觀之旨時則有章安執筆
載為疏論其道遂大明法華天宮繼世講演嗣其法
者唯左溪左溪門學獨荆溪能承正統述諸記以贊
祖謨則清涼異議為之寢息以文字廣第一義諦則
莫若茲時之盛以故世之學者取龍樹至荆溪列為

九祖以奉清祀其有由矣自荆溪以來用此道以傳授者則有興道師至行師講道不絕會昌多難教卷散亡正定妙說高論外法師三世唯傳止觀之論追乎螺溪法運將泰師天假吳越錢忠懿王求遺書于海東於是教籍復還寶雲嗣興敷揚二紀而四明法智以佛所生子垂迹海隅一家教部毗陵師未記者悉記之四種三昧人所難行者悉行之斯慈雲之極言也當是時有為異說者如昭圓諸師世方指為山外而法智獨擅中興教觀之名自興道訖四明凡八世所以紹隆正統而顯揚大教者有在於是是宜等而上之用陪位於九祖以尊大其道為可爾然則今之宗

門列刹凡所以講天台四明之道者有能起龍樹至法智通祀為十七祖以並為之位誠有見於後學尊祖重道之心也謹議

名文光教志第二

定海進士馮應龍同母汪氏妙淑滕氏智柔

共施芝券二十道

歷代會要志第一
 佛祖統紀卷五十二
 天宋咸淳四明福泉沙門
 志磐撰
 自有佛法以來所以知三教之並興諸宗之互立與夫世變之不常固已繫之編年至欲考一事之本末則歲月散漫莫之可尋今故開張衆目會其事要俾討論典故者識某事於某朝某年之下茲但舉略以指廣云耳

歷代會要志第一

佛祖統紀卷五十二

天宋咸淳四明福泉沙門

志磐

撰

自有佛法以來所以知三教之並興諸宗之互立與夫世變之不常固已繫之編年至欲考一事之本末則歲月散漫莫之可尋今故開張衆目會其事要俾討論典故者識某事於某朝某年之下茲但舉略以指廣云耳

- | | | |
|------|------|------|
| 君上奉法 | 屢朝拜佛 | 天書御製 |
| 聖君護法 | 試經度僧 | 特恩度僧 |
| 進納度僧 | 士夫出家 | 沙門封爵 |
| 僧職師號 | 不拜君父 | 不稱臣僧 |

崇禮高行

沙門著書

君上奉法

漢明帝問摩騰法師曰佛出世何不及此答曰佛雖不往然光明及處千年五百皆有聖人傳佛聲教而往化之

吳主皓問佛法於闍澤答曰孔老法天諸天奉佛

晉元帝召潛法師講經著履登殿○明帝幸興皇寺集義學沙門講道○成帝召義法師入禁中授五戒○召潛法師講般若經○召支道法師入禁中講經○簡文幸瓦官聽汰法師講放光般若經

宋高祖設齋內殿沙門道照陳詞帝稱善○文帝卒

公卿日集祇洹寺聽求那跋摩講華嚴十地品○帝

與侍中何尚之論佛理○帝聞生法師佛性義詔求

沙門述生法師頓悟義○孝武召猷法師內殿說法

○四月八日內殿灌佛齋僧○召曇首法師講維摩經○武帝華林

園受八關齋戒○帝不豫詔諸沙門祈佛七日天香

滿殿

梁武帝重雲殿講經沙門法彪為都講○召曼法師

入殿講勝鬘經公卿畢集○帝集諸沙門製文永斷

酒肉○帝服田衣禮婁約法師受具足戒公卿道俗

受戒者四萬八千人○召雲光法師內殿講經天雨

寶華○帝幸同泰寺捨身○京城大疫為百姓設救
苦齋幸同泰寺行清淨大捨開沮槃經題設道俗大
齋五萬人○帝幸同泰寺講涅槃經○帝幸同泰寺
發金字般若經題聽法者三十萬人○幸同泰寺設
孟蘭盆齋○簡文帝四月八日建齋度久親為願文
陳武帝迎佛牙於杜姥他設四部無遮大會○幸大
莊嚴寺捨身群臣表請還宮○幸大莊嚴寺發金光
明經題○敕大內設仁王齋○召瓊法師於重雲殿
講大品般若經○太極殿設無量大會行捨身法○
集沙門行方等懺法華懺金光明懺○宣帝召暉法
師為七廟講大品般若經○後主召聚法師赴太極

殿講金光明經○詔顓禪師赴太極殿講大智度論
題般若經題○詔顓禪師居光宅寺帝幸寺聽講仁
王經躬禮三拜○詔顓禪師赴崇王殿為皇太子授
菩薩戒

北魏孝文詔德法師一月三入殿說法帝數幸王園
寺與沙門談論佛法○幸白塔寺聽登法師講成實
論○詔四月八日迎洛京諸寺佛像入閭闔宮受散
華禮敬○宣武御式乾殿講維摩經西域沙門至者
三千人

北齊文宣幸遼陽甘露寺禪居深觀勅非軍國大事
不得聞○武成詔藏法師赴太極殿講華嚴經

隋文帝詔興法師大興殿授菩薩戒○晉王迎顛禪師至揚州設千僧齋受菩薩戒

唐太宗詔常法師入內殿為皇右太子授菩薩戒○英法師譯瑜伽地師論勅寫新譯經論頒賜九道總管○武后詔藏法師誦新譯華嚴經師指殿隅金師子為譬集其言為金師子章○中宗詔於化度寺設無遮大會○召藏法師入殿授菩薩戒○召北宗秀禪師居內道場禮為國師○玄宗召淨禪師至闕問道○肅宗召不空三藏灌頂授戒○詔南陽忠禪師問道○召鄰法師入禁中誦經○代宗詔建孟蘭盆會設七廟神座迎行衢道○詔徑山欽禪師入見賜

號國一禪師○德宗幸安國寺設孟蘭盆供○順宗詔尸利禪師咨問禪理○憲宗問觀法師華嚴法界豁然有得封大統清涼國師○召鵝湖義禪師問佛性○召章敬暉禪師咨問禪法○召寬禪師咨問禪要○穆宗遣兩街迎請汾陽葉禪師中夜說法端坐而逝○敬宗幸興福寺觀敘法師講經○文宗詔圭峯密禪師問佛法○宣宗遣使以師禮召鹽官安禪師力辭勅所居為齊豐寺○召辯禪師入見問道○懿宗於禁中延名僧設誦座自唱經題手錄梵文○設萬僧齋自升座為讚唄長眉僧來應供陵空而去

五代唐莊宗召三聖然禪師問法

大宋太祖詔沈義倫以金銀字寫金剛經召蘊法師講演○詔超法師等入內誦金字大藏經○上手金剛經常自讀誦謂趙普曰不欲甲冑之士知之但言讀兵書耳○太宗召赤腳道者入見問南方禪律如何化物云○幸開寶塔問僧何人曰塔主上曰朕塔因何鄉作主○上問僧何來答曰廬山卧雲菴上曰卧雲深處不朝天○詔兩街僧錄省才進孟蘭盆儀○真宗召浮石矩法師誦四十二章經○仁宗頌五冠觀音像以朝百官○勅韶州迎六祖衣鉢入京供養○詔左街連禪師入對化成殿○召舜禪師入對

便殿賜紫衣銀鉢○乾元節勅福聖塔院建大齋施袈裟○神宗勅大內設千僧齋施金剛經袈裟○詔淨慈本禪師住京師慧林入對延和殿○徽宗嘉州奏古樹有定僧詔與至禁中曰我遠法師弟慧持也上令圖形製讚○欽宗高宗即位遣八輦召金山勤禪師詣行在說法○高宗幸上竺大士殿炷香賜萬歲香山為大士供○孝宗遣內都監至徑山問道於杲禪師○靈山琳法師入見問道○幸上竺問訥法師歲且光明懺之旨賜錢建十六觀堂內翰樓鑰作記○勅禁中建內觀堂一遵上竺製度○佛生日召上竺訥法師領五十僧入內觀堂行護國金光明三

昧賜帛五十四歲以為常○召靈隱遠禪師入對選德殿○召天竺靈隱徑山及三教之士集內觀堂賜齋○召上竺訥法師獨對選德殿問大士靈迹法華經旨○召鴈山中仁禪師入對禁中○幸上竺禮大士賜白雲堂印令三學諸宗並詣白雲堂公舉用印○召靈隱光禪師入對賜號佛照○召靈隱光禪師入對進宗門直指○召雪竇印禪師入見奏對大說即日住徑山○上稱壽皇召訥法師入內殿注金剛經

屢朝拜佛

漢武帝幸甘泉宮禮祭天金人漢人未之知佛故謂之金人○明帝

拜洛陽聖冢佛舍利塔

吳王孫皓拜沙門僧康會受戒

梁武帝北面禮婁約法師受戒

陳武帝率群臣拜佛牙○後主三命智者請講仁王經

北魏太祖所經郡國見沙門皆致敬○孝文迎洛京

諸像入宮禮敬

北齊文宣命三藏譯經帝躬禮梵文

隋文帝詔延法師升御座拜跪受戒

唐高宗迎鳳翔佛骨入內禮敬○肅宗禁中立道場

禮敬講讚○代宗鑄金像成率百僚致拜○德宗迎

鳳翔佛骨入禁中禮敬○憲宗迎佛骨入禁中禮敬

○懿宗迎拜佛骨

大宋真宗上元幸寺觀百拜已上○徽宗迎佛牙入

內敬禮製讚○孝宗幸上竺大士殿問訊法師合拜

不合拜師曰不拜則各自稱尊拜則遙相恭敬上忻

然致拜

天書御製

梁武帝製水陸儀文於金山修供○高法師撰涅槃

疏帝親製序○帝親製涅槃大品淨名三慧諸經義

記

唐太宗獎法師新譯經論御製聖教序○高宗御製

慈恩寺碑○武后御製華嚴經序○中宗淨三藏譯

經御製聖教序○睿宗菩提流支譯寶積經御製聖

教序○玄宗御注金剛般若經○代宗不空三藏重

譯仁王經御製序○憲宗般若三藏譯本生心地經

御製序○穆宗御製南山律師讚至今齋用此讚

宋太宗天息災三藏譯經御製聖教序○詔以御製

秘藏詮緣識論逍遙詠命兩街箋注入藏頒行○真

宗法賢三藏譯經御製聖教序○御製崇釋論○登

封泰山御製重修佛像記○詔趙安仁編修太平祥

符法寶錄御製序○詔以太宗御製妙覺集入大藏

○御注四十二章經御注遺教經○右街秘演請以

御製法音集箋注入藏○仁宗御製三寶讚賜宰輔
 譯經院○御製天竺字源序賜譯經院○御製景祐
 法寶錄序○高宗幸太學製文宣王及七十二弟子
 讚○孝宗御書靈感觀音之寺賜上竺山○御書太
 白名山賜天童朴禪師○佛照光禪師住阿育王山
 賜御書妙勝之殿為舍利殿額○御製原道論○御
 注圓覺經賜徑山印禪師

聖君護法

隋文帝勅有毀佛天尊像者大逆不道論○詔諸有
 佛像碎身遺影所在官檢送寺莊嚴時當周武
 毀法之後唐德宗京兆尹宇文炫乞以廢寺為學舍唐勅不許

○勅寺觀嚴潔不得容外客居住○宣宗裴休言寺
 觀多為官僚寓客蹂躪詔今後不得在寺居住
 宋太祖詔寺院經周朝未毀者聽存已毀寺佛像許
 移置存留○詔諸郡銅像依舊存○詔如聞道場夜
 集士女無益修持並加禁止○太宗謂近臣曰儒人
 多薄佛向為中竺佛金剛座令蘓易簡作碑指佛為
 夷遂別命為之○詔嶺南僧置妻孥所在長吏深宜
 戒厲○真宗侍讀孫奭請省修寺度僧上曰釋道二
 門有助世教安可即廢○詔京城鬻酒肉者去寺觀
 百步外酤市於僧者重論其罪○臣僚言愚民佞佛
 蠹害國政上曰佛教使人遷善安可禁止○詔諸寺

觀殿階上，不許人民祖露坐卧。○詔新譯頻那夜迦經，董血為祀，不許入藏。○祥符勅，品官毀辱僧尼，口稱禿字者，勒停見任，庶民流千里。○徽宗宣和，敕吳國公主敬重空門，品官庶民有毀辱僧尼者，照祥符三年指揮。○孝宗鄭國公主出家，勅品官庶民有毀辱僧尼者，照祥符宣和勅旨。僧尼過犯官司，不得理行，須奏聞取旨。○太宗讀史，曰：人試經度僧。

唐中宗景龍初，詔天下試經，度僧山陰靈隱，僧童大義誦法華，試中第一。○肅宗敕，白衣誦經五百紙，賜明經出身，為僧時僧標，試中第一。○代宗勅，童行策

試經律論三科，給牒放度。○敬宗勅，僧背經百五十紙，尼百紙，許剃度。○宣宗勅，每歲度僧，依戒定慧三學，擇有道性通法門者。

梁末帝勅，天下僧尼入京城，比試經業。唐末帝誕節，度僧立講經，禪定持念文章議論，為四科。

周世宗勅，男子十五，誦經百紙，女子七十紙，郡考試，聞祠部給牒。

宋太祖詔，沙門殿試經律論義十條，全中者，賜紫衣。太宗雍熙詔，天下係帳童行，並與剃度。今後讀經及三百紙，方許係帳。○至道詔，兩浙福建路，每寺三百

人歲度一人尼百人度一人誦經百紙讀經五百紙
為合格

真宗詔釋道歲度十人特放一人不試經業○詔天
下童行試經業剃度○仁宗詔試天下童行誦法華
經中選者得度參政宋綬及竦監試○孝宗上竺詔
僧錄乞行試經度僧

特恩度僧

漢明帝五岳道士角法不勝司空劉峻。牛庶張子尚
後宮陰夫人道士呂惠通等並求出家

隋文帝勅士庶出家是歲度僧五十萬○煬帝詔七
日行道總度千僧

唐太宗正觀元年度天下僧尼三千人○九年詔度
僧尼三千人務取德業精明者○二十二年辦法師
謂弘法須人度僧為要乃詔每寺度五人凡一萬七
千人○文宗不空三藏建灌頂壇度人千萬數○勅
每郡度真行童子三人○睿宗普度僧道三萬人○
文宗勅僧尼非正度許具名申省給牒時入申七十
萬人

後唐明宗閩主度僧二萬人

宋太祖長春節度童行八千人○太宗普度童子十
七萬人○真宗登封泰山詔天下寺觀各度一人陪
位僧道各度弟子一人○以吳國大長公主出家詔

童子十人度一人○詔僧道係帳童行昔與剃度是
歲度僧尼二十四萬五千七百七十人道士女冠七
千一百七十人○仁宗判都省馬亮請無得收度真
刑文身者○神宗勅錢唐天竺觀音院歲度一人以
奉香火

進納度僧

唐肅宗幸德初宰相裴冕請鬻度牒謂之香水錢○
聽白衣誦經賜出身或納錢百緡請牒剃度○
宋神宗司諫錢公輔言遇歲饑河決乞鬻度牒○高
宗勅賣四字師號○自治平末始賣度牒舊以黃紙
偽爲者多至是戶部朱異奏令僧道用勅綾牒○唐

叔義上表乞住賣度牒○勅僧道始令納免了錢謂
之清閑錢

士夫出家

漢明帝司空劉峻陰夫人等皆出家
梁武帝通事舍人劉勰表求出家賜名慧地○敬帝
補闕宗殆棄官出家號無名有息心銘行於世
北魏孝文京兆王太子興表求出家賜名僧懿○大石
馮氏出俗爲尼居瑤光寺○宣武太后高氏出俗爲
尼居瑤光寺○度支尚書裴植母夏侯氏年七十出家
爲尼入嵩高山○孝莊太后胡氏出俗爲尼居瑤光寺
唐高祖釋智巖初爲中郎將棄官爲僧異僧謂之曰

卿八十一生出家矣○高宗武右生皇子賜名佛光
王踰月詔於法法師寺出家落髮○武右初為宮人
出業感寺為尼高宗見之納後宮○代宗宰相杜鴻
漸臨終命朝服加僧伽梨剃須髮別眾而逝依沙門
法焚軀○穆宗幽州節度劉總剃髮為僧封大覺師
賜臘五十○宣宗初封光王武宗忌之遁去作沙彌
至鹽官為書記武宗崩百官迎王即位○
梁太祖吳越王幼子令因為僧加同三十臘
唐莊宗騎將史銀鋒悟禪出家名契澄
宋真宗吳國長公主出家法名清裕○宰相王旦薨
遺令請大德施戒剃髮著三衣火葬楊億與其子議

但以三衣置棺中○高宗給事中知瀘州馮檉別僚
佐著僧衣并座說偈而化
沙門封爵
梁武帝勅沙門慧超為壽光殿學士
北魏明元封沙門法果為宜城子加封安城公謚靈
公
唐太宗勅沙門智威為四大師封朝散大夫○高宗
時勅慧威為四大師封朝散大夫即法華大官也○武
后封法朗九人為縣公賜袈裟銀龜袋○中宗封萬
回法雲公○勅慧範封正議大夫上庸郡公慧珍九
人並朝散大夫封縣公○敕慧範加銀青光祿大夫

萬歲朝散大夫封縣公廣清殿中監充功德使○睿宗萬回卒贈司徒魏國公○法藏法師卒贈鴻臚卿○玄宗菩提流志卒贈鴻臚卿○肅宗沙門道平爲金吾大將軍破安祿山反賊○代宗沙門不空封特進鴻臚卿加開府儀同三司進封肅國公食邑三千戶卒贈司空○德宗沙門圓照克內供奉鴻臚卿○僖宗沙門妙行誦經見佛大士賜號常精進菩薩開國

法道補宣教郎參謀軍事

師號僧職

晉安帝秦主以僧碧爲國僧正法欽爲僧錄
宋文帝敕尼寶賢爲京邑尼僧正○孝武敕道猷爲新安寺法主○勅道温爲都邑僧正○順帝動法持爲天下僧正
齊高帝詔法穎爲京邑僧主○武帝動玄暢法歡爲僧主分任江南北事
梁武帝詔雲光法師爲大僧正
陳文帝動寶瓊爲京邑大僧統○宣帝動曇瑗爲國僧正○後主動慧暉爲京邑大僧正

北魏文成勅師賢為沙門統。○勅曇曜為昭玄沙門都統。

北齊文宣詔高僧法常為國師。○勅曇延法師為昭玄上統。○置昭玄十統以沙門法上為大統尊為國師。

隋文帝勅僧猛為隋國大統。○詔曇遷為昭玄大沙門統。

唐太宗詔杜順和上入見錫號帝心。○武后勅神秀禪師入京行道歷三朝皆禮為國師。○玄宗沙門一行號稱天師。○勅辯才為朔方管内教授。○肅宗召南陽慧忠禪師入見號稱國師。○代宗詔南岳法照

為國師。○德宗賜澄觀清涼法師教授和上。○憲宗賜沙門知玄悟達國師。○封澄觀大統清涼國師。○勅沙門端甫錄左街僧事靈邃錄右街僧事。○穆宗勅沙門惟英充兩街僧統。○文宗左街僧錄內供奉三教談論引駕大師大達法師端甫右脇而滅。○勅沙門雲端充左右街僧錄。○宣宗勅靈晏充左右街僧錄。○勅知玄法師充三教首座。○勅三教首座辯章充左街僧錄僧徹充右街僧錄。○懿宗延慶節勅左街僧錄慧照大師清蘭右街僧錄明徹大師友楚譚論佛法。○勅沙門覺暉充左右街副僧錄。漢吳越王錢俶奉沙門德韶為國師。

宋太宗吳越國僧統贊寧入見賜號通慧大師○真宗史館編修贊寧遷右街僧錄○賜四明延慶知禮法智大師○賜天台東山本如神照大師○仁宗賜三藏法護普明慈覺傳梵大師○神宗天竺海月大師慧辯補都師○高宗賜法道寶覺圓通法濟大師○賜徑山宗杲大慧禪師○考宗賜靈山子琳慈受大師○賜上竺若訥右街僧錄○賜上竺若訥左街僧錄慧光法師○賜靈隱慧遠佛海禪師○賜靈隱德光佛照禪師○不拜君父

行○安帝相玄議令沙門盡敬王者廬山遠法師抗辨不行○宋孝武帝沙門盡敬君上前廢帝制停致敬○隋煬帝詔沙門道士致敬王者沙門明瞻抗詔謂僧無敬俗之典遂寢○唐太宗詔僧道致敬父母逾年停致敬○高宗勅僧道無得受父母尊長拜○玄宗敕僧道致敬父母逾月罷致敬○不稱臣僧○齊武帝沙門僧鐘見上稱貧道上以問王儉對曰晉宋以來多稱貧道而使預座

唐肅宗敕僧尼朝會表奏毋得稱臣禮記儒者上上不臣天子下不事

崇禮高行

宋明帝詔猛法師月給錢三萬車與吏力僧瑾賜法枝一部

梁武帝慧約法師每入朝必設特榻帝座居其側○
敕法雲法師為大僧正官給吏力

陳宣帝詔割始豐縣調以奉顓禪師

隋文帝靈藏律師居大興善寺敕左右僕射兩且參問起居○曇延法師升御座南面授法

唐太宗四祖道信禪師囚徵不起就賜珍繒以旌其

道○代宗詔徑山欽禪師入見賜號國一勅杭州長吏月至候問

宋太宗吳越僧統贊寧入見一日七宣賜號通慧沙門著書

梁武帝沙門慧皎撰高僧傳十四卷起漢永平盡梁天監開德業為十科

隋文帝翻經學士費長房進開皇三寶錄

唐高宗沙門道宣撰續高僧傳三十卷起梁天監盡唐正觀○沙門道世撰法苑珠林一百卷拾括大藏

分門類事○德宗湖州刺史于頔進沙門皎然杼山詩集藏于御書殿

梁末帝沙門歸序進經論會要詔入大藏賜演教大師

師
晉天福沙門可洪進大藏經音義四百八十卷

周世宗沙門義楚進釋氏六帖勅付史館賜紫衣縑幣

宋太祖吳越壽禪師著宗鏡錄一百卷○沙門文勝奉勅修大藏隨函索隱六百六十卷○太宗翰林李昉等進太平廣記其間錄佛法者三十卷○通慧大師贊寧進續高僧傳三十卷起唐正觀勅入大藏文撰鷲嶺聖賢錄五十卷僧史略三卷○真宗沙門道原進景德傳燈錄三十卷○譯經潤文官趙安仁修

藏經錄二十一卷賜名大中祥符法寶錄○沙門道誠著釋氏要覽三卷○益州進沙門仁贊釋氏會要四十卷○仁宗三藏惟淨進新譯經音義七十卷○三藏惟淨進新譯大藏目錄二帙賜名天聖釋教錄賜光梵大師紫衣○參政王隨進刪修景德傳燈錄十五卷○駙馬都尉李遵勗廣傳燈為三十卷賜名天聖廣燈錄○沙門契嵩進輔教編定祖圖正宗記勅入大藏賜明教大師紫衣縑幣○徽宗沙門惟白進續燈錄勅入大藏賜佛國禪師金襴衣○尚書平古閱大藏撰法寶標目八卷○石門惠洪撰禪林僧寶傳三十卷

歷代會要志第一

大聖黃籙經○北門雙高教誨婦縣文臣圖五宗
下正卷○相識符錄李彭昌黃所魁高三十卷
大聖黃籙經○北門雙高教誨婦縣文臣圖五宗
下正卷○相識符錄李彭昌黃所魁高三十卷
大聖黃籙經○北門雙高教誨婦縣文臣圖五宗
下正卷○相識符錄李彭昌黃所魁高三十卷

歷代會要志第二

佛祖統紀五十三

天宋咸淳四明福泉沙門

志磐撰

聖祖開先

歷朝讖瑞

先聖世家

大儒名世

興建儒學

天師世次

仙真顯迹

道流知名

修舉道科

宿命前身

放生禁殺

祈禱災異

國朝典故

諸國朝貢

聖祖開先

宋太宗天神降張守真家云國祚延永過於有唐詔
封翊聖保德真君○真宗方士王中立遇道人姓趙
自稱司命真君九有瑞異必先告中立○天神降于

寢殿謂上曰天書將降宜齋戒以受之皇城司奏右承天門有帛書曳鶴吻上內侍捧取視其文云趙受命興於宋世七百九九啓封宣文其名大中祥符凡三篇○登封泰山畢詔司命真君爲九天司命保生天尊○詔三司使丁謂起玉清昭應宮前殿曰太初以奉玉皇建閣以奉天書後殿曰明慶以奉聖祖九即天司命天尊○詔天下建天慶觀以奉三清玉皇及增設聖祖殿○天神降于禁中謂上曰吾人皇九人之一是趙姓之始祖再降乃軒轅黃帝吾以後唐時下降葱洽下方生趙氏之族今已百年皇帝善撫育群生乃乘黃雲而去是月大赦上尊號聖祖上靈高道九

天司命保生天尊聖祖右曰元天大聖右聖祖諱玄朗詔中外不得有犯敕諸郡天慶觀增建聖祖殿○遣李溥於建安軍監鑄玉皇聖祖二像詔丁謂奉迎至京奉安玉清昭應宮○舍利見于玉清昭應宮聖祖明慶殿○詔於大內丙地建景靈宮以奉聖祖歷朝議瑞

北齊居士陸法和嘗題壁云十年天子猶尚可文宜百日天子急如火廢帝周年天子遞代坐孝昭及二人懼塗削之終不能滅

隋文帝西天闍提斯那來上言天竺獲石碑說東方震且國名大隋城名大興王名堅意建立三寶

唐太宗原州奏鴻池谷有五石青質白文曰太平天子李世民太子李治七佛八菩薩勅遣使祭謝○帝得秘識云唐三世後女主武王代有天下太史令李淳風曰其兆已成今在宮中上曰疑似者殺之對曰天命不可易遂止○肅宗詔沙門元皎建藥師道場忽生李樹四十九莖○已真如升天見天帝授天寶十三枚以鎮下方乃改元寶應自肅宗至昭宗為十三代○睿宗為相王每出萬回告人曰天子來矣玄宗在藩謁之撫其背曰五十年太平天子

宋太祖生於洛陽神光滿室金色被體掌過長壽寺枕殿砥寢僧守嚴見赤蛇出入上鼻宋城有異僧指

州地曰不二十年當有帝王由此建號○太宗太平四年嘉州夾江縣民得玄石二皆丹文一曰君王萬歲一曰趙二十一帝緘其石來獻本朝通鑑○太平七年舒州奏貢瑞石刻梁誌公記云吾觀四五朝後次丙子年趙號太平二十一帝忽一日誌公降禁中上親聞訓語乃遣使詣鐘山奉齋賜號道林真覺菩薩○真宗取瑞石誌公記以示近臣宰相王且曰國家啓運在梁陳隋唐及五代後太宗即位歲在丙子今天尊臨降事皆符合則知天命我宋其來久矣上說○日本國入貢稱國東祥光見中國天子聖明則應此瑞詔日本建神光寺○駐輦國來貢四十年海無

風濤意中國有聖人出

先聖世家

漢高祖過魯祠孔子封九代孫騰為奉祠君○元帝封孔子後霸為褒成君○平帝封孔子後孔均為褒成侯○光武幸魯祠孔子封其後志為褒成侯○明帝幸闕里祠孔子封十九代孫僖為褒成侯○章帝幸魯祠孔子拜孔僖為郎中

魏文帝封孔子二十一代孫羨為崇聖侯

唐太宗詔以孔子為先聖封其後為褒聖侯

宋太宗詔封孔子四十四代孫宣襲封文宣公○真宗詔孔聖佑襲封文宣公○仁宗詔孔宗愿襲封文

宣公○勅封四十六代孫宗愿為衍聖公○神宗詔四十七代孫若蒙封衍聖公○徽宗詔四十八代孫端友封衍聖公○高宗詔寓衢州四十九代孫衍聖公玠卒子楮襲封衍聖公是為五十代大儒名世

周曾子名參學孔子為說孝經○子思孔子之孫名伋學於曾子作中庸○孟子名軻學於子思著書七篇述堯舜之道距楊墨言人性善○荀卿名况著書名荀子尊王黜霸言人性惡

漢哀帝楊雄放易作太玄放論語作法言言人性善惡混

隋文帝主通續六經門人謚曰文中子弟子集問答之言名曰中說

唐太宗正觀二十一年詔孟軻元豐七年以鄒國公陪享先聖廟令不在

之列左丘明魯太史孔子同時用魯史穀梁赤周魯

春秋公羊高周齊人傳春秋赤伏勝秦二世博士漢文

尚書於尼錯初伏生值秦禁書以尚書壁藏之漢已定得二十九篇以教濟南張生及歐陽生毛萇

漢河間獻王傳士師高堂生漢初為博士魯人孔安

國漢武帝臨淮太守孔子十一世孫戴聖漢九江太

右劉向漢成帝中壘校尉何休後漢獻帝時治公羊

膏盲穀鄭衆後漢司農卿傳父興業鄭康馬融後漢

太守法孝經論語盧植後漢中郎尚書師馬融鄭康

成後漢司農卿師馬融注易尚書三禮論語尚書大

氏膏盲發公羊墨服虔後漢九江大賈逵後漢侍中

作義訪蕭宗詔入論奏曰左氏義於君杜子春後漢

成注周禮引鄭大范甯晉豫章太守杜預晉鎮南大

夫者杜子春也

王弼魏尚書郎二十二人皆從祝先聖廟

宋神宗元豐六年詔封孟子鄒國公七年詔以鄒國

公陪享至聖文宣王位于兗國公之次荀况揚雄韓

愈皆發明先聖之道以世次從祀於二十二賢之間

興建儒學

漢武帝議立明堂遣使者安車蒲輪徵魯申公置五

經博士。○魯共主壞孔子舊宅於壁中得所藏古文
虞夏商周之書論語孝經皆科斗文字。○宣帝詔諸
儒論五經同異。○成帝使謁者陳農求遺書於天下。
○詔劉歆典領五經敘諸子為九流。○明帝上幸辟
雍尊養三老五更。上自為說諸儒執經問難觀聽者
億萬計。皇太子諸侯王功臣子弟外戚莫不受經。期
門羽林之士悉通孝經。匈奴亦遣子入學。○章帝詔
校定東觀五經諸子傳記。○靈帝詔諸儒正五經文
字刻石太學。

唐太宗幸國子監命孔穎達講孝經大徵名儒增築
學舍學生至三千二百六十員自屯營飛騎亦給博

士授經高麗吐蕃皆遣子弟入學升講筵者八千人
命穎達撰定五經疏

宋仁宗詔天下立郡學

天師世次

後漢永壽二年天師張道陵在閬州雲臺山老君遣
使授正一真人與夫人雍氏弟子王長趙昇同升天
陵本居餘杭天目山七歲能誦道德經後入嵩山得
九鼎丹經乃入蜀隱鶴鳴山鍊丹三年丹成乃攝伏
魔鬼奮一十四治化為編庭老君授以天師印綬雌
雄二劍正一盟威秘籙衆經符圖人有受其道者出
米五斗陵傳子衡衡傳子魯拜鎮夷中即將漢寧太

守封關中侯。卒。子富嗣。○武帝時，嗣天師第四代張盛至鄱陽，鍊丹解化，人名其居曰龍虎山。

宋真宗召二十五代嗣天師張乾曜，至京師，傳籙度久。○仁宗召嗣天師張乾曜，赴闕賜號澄素先生。○詔二十六代嗣天師張嗣宗，賜號沖靜先生。○徽宗詔三十代嗣天師張繼先，至闕賜號虛靜先生。○勅封漢天師正一靜應真君。○高宗勅三十二代嗣天師張守真，賜號正應先生。

仙真顯迹

周穆王駕八駿，升崑崙西王母觴于瑤池之上。○靈王太子王子喬吹笙作鳳鳴，道士浮丘公接上嵩山。

○宋大夫墨翟服朱英丹，為地仙，著書十篇。○顯聖王莊周著書十餘萬言，服北育火丹，白日升天。

秦始皇茅盈得道，治江南句曲山。二弟固、衷從，兄亦成真。老君遣使拜盈為司命真君，固為定錄君，衷為保命君。世號三茅君。○始皇聞鬼谷先生云：東海祖洲有不死草，乃遣徐福將童男女三千人入海尋祖洲，不返。

漢高祖商山四皓從太子遊。○文帝從河上公受老子道德經章句。○武帝時淮南王劉安著書號淮南子，與八公登山，白日升天。○上登嵩高，起道宮。西王母至，賜五岳真形圖。六甲靈飛符，奉安柏梁臺，常朝。

拜之○東方朔至，吉雲澤得五色甘露，以獻武帝，帝徧賜群臣。

○昭帝擗入，籬耽得仙道，辭母曰：「明年郡有疫，可取庭前井水，橘葉以救之。」言畢升天。世稱籬仙君。○安帝陰長生師馬明生，學道者黃土為金，作黃金數十萬斤，以施窮乏，白日升天。○順帝上虞，魏伯陽作參同契，五將類論作丹，後服丹而化。○桓帝王遠過吳，召麻姑，進行厨，金漿王杯，壁麟脯，姑云：「見東海三變桑田。」○獻帝左慈入天柱山學道，與弟子葛玄入霍山合丹，仙去。○魏明帝葛玄委衣在牀，尸解而去。老君賜金簡命為

太極左仙公

晉成帝葛洪止羅浮山鍊丹，著書號抱朴子。尸解得仙。○穆帝許邁入餘杭西山，與弟謚男玉斧皆得道登天。○哀帝南岳魏夫人授楊羲上清真經，太洞黃庭十餘篇。○孝武西山許真君受天詔，四十二口拔宅升天。

梁武帝陶弘景告化，香氣不散，著書曰真誥。○相闔修默朝上帝，法太上召升天。

北魏太武道士寇謙之遇太上老君，命繼張陵為天師，又遇李普文授圖籙。

唐玄宗葉法善見老君入西山修道，尸解仙去。○李

望遇驪山老母為說陰符經義後入名山訪道○召
方士張果入見與董汁三卮附子酒也醺然如醉曰非嘉
酒也後入恒山○司馬承禎上遣使迎至京受法錄
有仙女謂焦靜曰子可謁東華青童君受三皇法歸
而謁之先生欣然以授○敬宗崔元亮修黃籙道場
有鶴三百六十五隻翔集壇所一朱頂皓白竟集虛
皇座後元亮入室誦黃庭經而化○宣宗召羅浮軒
轅集入見問臨天下之數集橫書四十乃十四年也
○懿宗鐘離權自稱漢時遇王玄得長生之道呂
巖者遇權授靈寶畢法謂曰吾朝元有期即有仙人
迎之升天洞賓客遊江淮度何仙姑郭上竈施肩吾

○景宗呂洞賓過鄂州黃龍山見機禪師迷偈云

周世宗召華山隱士陳搏問飛升之術云○隱士譚

景升與陳搏為友著化書百十篇久之仙去宋齊立

書作白
各行世

宋太祖陳搏聞太祖即位大笑曰天下自此定矣○

陳搏受易於麻衣道者得正易心法河圖洛書之訣

○錢若水謁陳搏見老僧云但可作貴公卿於急流

勇退耳○太宗詔陳搏入見云○仁宗召藍元道館

于芳林園賜號養素先生藍師劉海蟾○何仙姑逢

洞賓云焦浚明見仙姑姑言受金柱殺事○神宗天

台張平叔遇異人得金丹之訣著悟真篇傳於世讀

雷寶祖英集頓明心地後坐化焚之得舍利千百平
叔傳斤法於石泰泰傳薛道源○呂仙見淨慈本禪
師師曰黃龍舊話何不舉似云○徽宗召海陵徐神
翁入見○上與林靈素講道有青巾并殿留詩上知
洞賓之來為之歎息○孝宗賜何襲衣為通神先生
上將立謝妃為后遣內侍求一語何曰為天下母妃
遂位中宮○唐仙姑逢呂仙與之丹上皇召入賜寂
靜先生號

道流知名

周靈王太子晉道士浮丘公接上嵩山此稱道士之始

漢明帝五岳八山道士褚善信等

宋明帝召廬山道士陸脩靜問道

北魏太武道士寇謙之云

唐高宗道士潘師正上問所須對曰茂松清泉山中
不乏○玄宗秘書監賀知章請為道士以宅為千秋
觀

宋太祖勅道士劉若拙充右街道錄試道士事業未
至者罷之○仁宗召道士朱自英詣闕賜號觀妙先
生○徽宗道士林靈素入見云

修舉道科

唐文宗詔諸州習道德經列子莊子文子置助教一
人時姚子彦試策入策○詔封莊子南華真人列子

文子更桑子內真人內子書為真經置博士助教各一真學生百人

宋太宗命徐鉉王禹偁校正道經刪去重複為三千三百三十七卷○真宗命王欽若定羅天醮儀選道士十人校錄道藏經御製序○神宗詔道門職事試道德南華度人三經○徽宗詔老君名字士庶不得犯○詔列子莊子陪享太上○詔建道學科治老莊列子書置道階十士○詔封莊子列子為真君○詔罷黃老學

宿命前身

晉武帝羊祐前身造武當山寺今供給儼重云

梁武帝岳陽王蕭晉鎮越知前身是許詢與曇彥造

北齊文宣使人乘駝出城奄然如夢至山腹寺取經蚤群沙彌曰高洋馳來引見老僧問曰高洋作天子何如云

唐太宗威禪師前身是陳徐陵聽智者誦經立五願後生縉雲朱氏投章安為師○栽松道者託生周氏女遇四祖出家是為五祖忍○玄宗房瑄與道士邢和璞過夏入廢寺使人掘地得甕中所藏婁師德與永禪師書悅然悟前身為永○沙門法秀有異僧引入終南山見朱門榜曰回向老宿指官房曰此唐天

子舊室命侍者取玉簫曰向居此好聲樂謫為人間
主○德宗西川節度韋臯初生有梵僧曰此諸葛武
侯後身○憲宗齊君佐梵僧與一棗食之即悟前身
是誦經僧乃投靈隱出家名鑑空○僖宗知文國師
見一珠入左股痛甚上有鬼錯二字玄知宿業即右
脇而逝世稱玄是袁盎後身云
宋仁宗參政張方平出知滁州至僧舍見楞伽經手
迹宛然知前身為書經僧○宰相曾公亮前身是禪
門青草堂○潁州官妓口作蓮華香蜀僧曰此女前
為尼誦法華三十年○哲宗蘓軾前身五祖戒禪師
放生禁殺

隋文帝詔天下正五九月及六齋日不得殺生命○
智者禪師至岳州講金光明經化一郡五縣一千餘
所咸捨漁捕

梁武帝勅太醫不得以生類為藥郊廟牲牲皆代以
麩宗廟用蔬果

北魏獻文勅祭天地宗社勿用牲歲活七萬五千牲
命

北齊文宣受戒不食肉禁境內屠殺

唐高祖詔正五九及月十齋日不得行刑屠釣○武

后勅斷天下屠釣○肅宗詔天下立放生池凡八十
一所顏真卿撰碑

宋太祖詔民間二月至九月不許採捕彈射著于令
○真宗詔天下州郡放生池悉與興復無池之處沼
江淮州郡近城五里並禁漁捕○諸暨令憐華依昔
賢轍法不令捕江湖間魚及奉詔還闕夢魚為人形
者數萬號哭沸天皆云長者去矣吾輩不免烹矣云
○天竺慈雲法師奏請西湖為放生池每歲四月八
日郡人會湖上縱魚鳥為主上祝壽○仁宗四明延
慶法智法師每歲佛生日放魚鳥祝聖壽郡以上聞
敕樞密劉筠撰碑立于寺門

祈禱災異

晉簡文有烏巢太極殿召尼道容授八關齋戒烏運
巢而去○妖星為變召沙門法曠行懺星為之沒○
孝武西天沙公至長安常祀龍致雨秦主尊事之
齊武帝不豫召諸沙門祈佛感天香滿殿聖僧振錫
北魏節閔國子博士盧景祐通佛法從兒作亂累及
景祐至心誦經枷鎖自脫
隋文帝亢旱曇延法師升御座帝及群臣受八關齋
戒俄而雨注

唐太宗詔京城諸郡僧道轉經行道七日夜祈保秋
成每歲正七月為式○詔京城沙門每月二十七日

行道轉仁王經為國祈福○詔淨禪師至京祈雨感
白虹晝見大雨通濟○中宗詔菩提流支結壇祈雨
三日大澍○玄宗康居入寇安西詔不空誦仁王咒
感北天王子神兵現五國奔潰○代宗吐蕃逼京師
內出仁王經詔不空置百高座誦經寇平○勅灌頂
道場選沙門二十七人為國長誦佛頂咒○彗星見于
東方詔不空行法星為殞春夏不雨建壇祈禱大雨
沾足○當陽節度張昭請沙門自覺曰聞龍神依師
聽經忘其行雨願起大悲師焚香造祝雲起大雨○
宋太祖宰相國寺祈雨設千僧齋○上宰相國寺祈
雨進蔬食雨大濟○將郊天雨不止遣使禱無畏真

身塔及期而霽○真宗元早梵僧於金明池立壇祀
龍須臾雨至○神宗夏旱上於禁中齋禱夢神僧空
中吐霧覺而大雨勅求其像得之相國寺閣第十三
尊羅漢○哲宗昇法師居興福趙清獻公師越亢旱
大疫迎大士懇禱一夕雨注疫病亦息因奏所居曰
圓通○高宗孟后去國南向奉摩利支天像以護身
○李珣避虜遇乘車人教持摩利支天尊號獲免兵
厄○金虜入乘上親詣上竺大士殿恭禱為戰沒者
修水陸供有夢戰死者相慶得生善趣○大旱詔道
法師祈雨師咒四鮮鯽投諸江雨大洽○淫雨不止
遣內侍禱上竺大士施玉器七寶冠

國朝典故

聖節

內道場

功德院

國譯

聖北魏太武誕生之節始詔天下佛寺建祝壽道場
 唐玄宗詔天下寺觀建天長節祝壽道場○勅僧道
 遇千秋節就開元寺行道散齋○德宗設節詔澄觀
 法師入內殿講經○文宗詔聖節宰臣百僚詣寺設
 千僧齋○昭宗聖節勅兩街僧道入內殿談論○景
 宗聖節勅寺觀設齋禁屠釣
 梁太祖大明節勅百官詣寺行香祝壽
 唐莊宗聖節勅僧錄雲辯與道士入內談論
 周太祖聖節宰臣百僚詣寺觀建祝壽道場
 宋太祖長春節宰相范質製祝壽齋疏云○長春節

詔沙門殿試經律論義十條○欽宗詔道君聖節仍

就道觀若乾龍節仍就佛寺一依祖宗舊法

內道場晉孝武內殿奉佛召沙門居中行行道

唐代宗敕百沙門於禁中念誦謂之內道場○勅大

明宮建道場感佛光現

宋太宗贊寧僧統入見滋福殿其處安佛像經藏立

刹聲鐘即內道場○詔兩街供奉僧於內殿建道場

為民祈福○孝宗建內觀堂詔上竺訖法師領五十

僧入修金光明懺歲以為常

功德院唐睿宗勅貴妃公主始建功德院○代宗詔輔

相大臣始建功德院

宋徽宗敕照祖宗舊法應勳臣戚里功德墳寺自造屋置田止賜額蠲免科敷聽本家請住持不許指占有額寺院○高宗司諫陳公輔上疏應臣僚前曾陳乞有額寺院充墳寺功德者乞照祖宗成法並與改正○理宗臣僚言乞將宰執指占有額寺院並與追正

宋孝武勅文帝忌日於中興寺建八關齋從臣表敏孫更進魚肉帝怒免官

唐太宗勅先朝忌辰於章敬寺行香設齋○中宗詔七朝忌辰於內殿設齋行香○玄宗勅僧道遇國忌就龍興寺行道散齋○宣宗敕列聖忌辰並詣僧寺

行香如舊典

時當武宗沙汰之後

敕州郡國忌行香不得攜

酒肉入寺

晉天福勅國忌宰相已下詣寺觀行香禁腥酒

宋太宗詔國忌宰相已下詣寺觀行香禁腥酒

諸國朝貢

晉武帝扶南國遣使進金佛象牙塔○安帝師子國進玉佛像高四尺二寸

宋文帝迦毗羅國師子國訶羅陀國訶羅單國閻婆國五國咸遣使入貢

齊東昏侯扶桑國僧慧深來京師

梁武帝干陀利國入貢云東土有聖王出○扶南國

沙門進珊瑚佛像○盤盤國遣使進佛牙○丹丹國遣使進佛像○扶南國遣使朝貢請佛像經論○百濟國遣使朝貢請經論○于闐國遣使貢玉佛像○唐太宗高麗三國沙門僧願入中國學佛法○德宗吐蕃遣使乞賜沙門善講佛理者上令良瑋往赴宋太祖高麗沙門諦觀持天台論疏至中國謁螺溪法師○高麗國君遣三十六僧來中國學永明壽禪師至今法眼一宗盛行海外○西天沙門可智等來朝○西天沙門蘓葛陀來貢佛舍利文殊華○西天沙門彌羅來貢梵經○于闐國沙門善名七人來○高昌國遣僧法淵貢辟支佛牙○太宗西天沙門吉

祥進梵經○沙門繼從自西天還貢梵經舍利塔○中天竺沙門鉢納摩來貢舍利塔○天竺沙門護羅來貢梵經○沙門光遠遊西天還進西竺王子表貢釋迦舍利○沙門法遇自西天還貢佛頂舍利梵經○沙門重達自西天還進佛舍利梵經○中天竺沙門補陀來進舍利梵經○占城國沙門淨戒詣闕貢金銅鈴杵○高麗國王遣使乞賜太藏經御製佛乘文集詔給○日本國沙門齋然來朝言其國傳襲六十四世隋開皇中遣使入中國求法華經唐求徵四年遣僧道照入中國從奘法師傳法云備在通鑑志齋然歸國乞賜藏經詔給○日本國法濟大師齋然遣弟子

嘉因祈乾來朝○真宗祥符九年北天竺沙門天覺
南天竺沙門妙德西天竺沙門等各進舍利梵經中
天竺沙門童壽來進梵經東天竺沙門普積來進梵
經一歲之中五竺咸貢○日本國沙門寂照來進無
量壽佛像金字法華經○中天竺沙門憍尾拏來進
舍利梵經○西天竺沙門佛護來進梵經○西天三
藏法護來進舍利梵經○北天竺門戒賢來進梵經
○迦濕彌羅國沙門目羅失稽來進梵經○西天沙
門達磨波來進梵經○西天沙門衆德來朝進舍利
梵經○中天竺沙門覺稱法戒來進舍利梵經金剛
座真容○般尼國沙門寂賢來進梵經○西天沙門

知賢來進舍利梵經○東女真國入貢乞賜藏經○
西天沙門愛賢進舍利梵經○西天沙門智吉祥來
進梵經○西夏國委國內新建伽藍乞賜藏經○神
宗日本國沙門尋成來朝○哲宗高麗王子僧統義
天來朝竊軾館伴勅揚傑送往錢唐受法於源法師
傳天台教於天竺諫法師傳律於靈芝照律師○孝
宗日本國遣使致書四明郡庭棲心維那對使宣讀
片其文義踈繆者凡七處

歷代會要志第二

